

為著四散

閣阮嘛清楚知影，來到遮，是為著予阮通向所追求的標，閣進前一步。

文、圖 | 陳致綸／臺北南門基督長老教會青年，國立臺灣師範大學臺語文學系碩士生

我的鎖匙圈仔

彼工下晡的雨，共我的鎖匙圈仔淋 kah 漘漘，毋過嘛拄仔好通共洗洗咧。這個鎖匙圈仔是 2019、2020 年彼時，臺中大專中心佇畢業禮拜送予畢業生的紀念品，毋知猶有佻濟人咧掛？我是自提著就掛到今，這馬已經無蓋清氣矣。

前一站仔湊坎咧寫關係家己性命的見

證，彼陣寫著讀大學的彼四冬，干焦用幾句仔話。我講，彼四冬大大開闊我的眼界，予我佇面對挑戰抑是艱難的時，通倚在袂逃閃；毋過其實彼四冬，全然毋但按呢。拄仔好最近大專界有出真大的風波，我想這顛倒是一个回顧家己的性命，甚至是檢討一寡體制的機會。無，就來講看覓，我大學彼四冬，佇大專的經驗好矣。



我的鎖匙圈仔。



臺中大專靜宜弘光長青團契。

佇大專長青團契

其實轉來臺北了後，大專 oân-á 是有咧參加，只是無法度像彼陣佇臺中遐爾投入，毋過我猶是會期待逐擺長青團契的聚會。佇遐，逐人會當真自在分享家己對聖經、對議題的觀察抑是見解，每一個 tiàm 遐的人攏是按呢，照家己性命的經驗，去讀、去感受，然後分享，閣來對話，激出新的觀念 kap 想法。這是一個有機的群體，無論規模是大抑細。

若是這陣 tiàm 大專服事的牧者，努力予所有佇咧這個群體的羊群通受尊重，佇分享的時陣 bē 受阻擋，bē 去煩惱家己所講的有正確--無、有問題--無？因為所有來到遮的人，心頭攏是有寡疑問想欲 tháu--的；閣阮嘛清楚知

影，來到遮，是為著予阮通向所追求的標，閣進前一步。

這個旅途，欲算數明明是真，甚至是無法度。毋過路尾——當畢業，欲四散彼霎，阮攏會得著比佇起頭所揣求的閣較豐盛的恩典離開，轉去到家己的家鄉，抑是去到新的所在，面對新的挑戰。

「阮聚集，是為著四散。」

就若像我轉去南門，以及濟濟四散到各地的長青人。🌻



本文母語聲音QR Code